



Broj: 13-11-4-6912/24  
Sarajevo, 11.10.2024. godine

Na osnovu člana 70. stav (3) Zakona o javnim nabavkama ("Službeni glasnik BiH", br. 39/14, 59/22, 50/24), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka), a na prijedlog Komisije za javne nabavke roba, radova i usluga, Općinski načelnik donosi

### ODLUKU o izboru najpovoljnijeg ponuđača

#### I

Za najpovoljnijeg ponuđača za javnu nabavku usluga „LOT 1 – Izrada investiciono - tehničke dokumentacije za investiciono održavanje poslovnih prostora u vlasništvu Općine Novo Sarajevo“, po provedenom postupku javne nabavke putem otvorenog postupka javne nabavke izabran je slijedeći ponuđač:

**STUDIO DVA d.o.o. Sarajevo**  
**sa ukupnom cijenom od 10.764,00 KM**

(slovima: desethiljadasedamstotinašezdesetčetiri i 00/100 konvertibilne marke) sa PDV-om

#### II

Za izvršenje ove Odluke zadužuje se Služba za investicije i zaštitu okoliša.

#### III

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Novo Sarajevo, Zmaja od Bosne 55, 71000 Sarajevo ili lično na Protokol Općine, dostaviti originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača.

Ukoliko je ponuđač u sklopu svoje ponude dostavio originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, iste nije dužan ponovno dostavljati.

#### IV

Odluka o izboru najpovoljnijeg ponuđača objavit će se na web stranici [www.novosarajevo.ba](http://www.novosarajevo.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

### Obrazloženje

Postupak javne nabavke proveden je putem otvorenog postupka javne nabavke, a pokrenut je na osnovu Odluke Općinskog načelnika broj: 13-11-4-6912/24 od 21.08.2024. godine.

Procijenjena vrijednost javne nabavke sa PDV-om za LOT 1 je: 16.500,00 KM (slovima: šesnaesthiljadapetstotina i 00/100 konvertibilnih maraka).

Obavještenje o javnoj nabavci broj: 935-1-2-180-3-267/24 objavljeno je na portalu javnih nabavki 10.09.2024. godine.

Komisija za javnu nabavku roba, radova i usluga je imenovana Rješenjem Općinskog načelnika broj: 01-30-5-8227/23 od 17.10.2023. godine, te Rješenjem o izmjenama Rješenja broj: 01-30-5-8227-1/23 od 06.02.2024. godine.

U predmetnom postupku utvrđeno je da je Komisija za javne nabavke roba, radova i usluga blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnike, u kojima je utvrđeno sljedeće:

Iz Zapisnika sa otvaranja ponuda vidljivo je da su do dana 02.10.2024. godine, pristigle ponude sljedećih ponuđača:

Red. Br.	Naziv i sjedište ponuđača	Ukupna ponudena cijena sa PDV-om
1.	STUDIO DVA d.o.o. Sarajevo	10.764,00 KM
2.	URBIS CENTAR d.o.o. Banja Luka	16.146,00 KM
3.	ROUTING d.o.o. Banja Luka	13.692,51 KM

Nakon izvršenog otvaranja ponuda, Komisija za javne nabavke roba, radova i usluga je pristupila analizi dokumentacije pristiglih ponuda u smislu provjere njene validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponude u skladu sa pravilima i procedurama utvrđenim tenderskom dokumentacijom, Zakonom i podzakonskim aktima, te je konstatovala sljedeće:

Ponude ponuđača STUDIO DVA d.o.o. Sarajevo, URBIS CENTAR d.o.o. Banja Luka su **prihvatljive** jer ispunjavaju kvalifikacione uslove (lična sposobnost, sposobnost za obavljanje profesionalne djelatnosti, ekonomske i finansijske sposobnosti, tehničke i profesionalne sposobnosti) zahtijevane u tenderskoj dokumentaciji.

Ponudu ponuđača ROUTING d.o.o. Banja Luka Komisija je ocijenila kao **nepravilnu** iz sljedećih razloga:

Tenderskom dokumentacijom u tački 5.5. a) navodi se da shodno Zakonu projektovanje i revizija Izvedbenog projekta ne može biti povjerena jednoj firmi. Iz navedenog razloga predviđena je mogućnost dostavljanja ponude za samo jedan od LOT-ova.

Također u tački II 2.b. objavještenja o nabavci broj: 935-1-2-180-3-267/24 od 10.09.2024. godine, navodi se da je moguće dostavljanje ponuda samo za jedan lot.

Ponuđač ROUTING d.o.o. Banja Luka je dostavio ponude za LOT 1 i LOT 2 predmetne javne nabavke, te se iz naprijed navedenih razloga, ponuda ponuđača ROUTING d.o.o. Banja Luka nije mogla uzeti u dalje razmatranje.

Komisija je nakon pregleda dokumentacije priložene uz dostavljene ponude u smislu člana 65. stav (1) i (2) Zakona ocijenila ponude kvalifikovanih ponuđača, primjenjujući kriterij najniže cijene, te sačinila rang listu kako slijedi:

Red. broj	Naziv i sjedište ponuđača	Ukupna ponudena cijena sa PDV-om
1.	STUDIO DVA d.o.o. Sarajevo	10.764,00 KM
2.	URBIS CENTAR d.o.o. Banja Luka	16.146,00 KM

Komisija za javne nabavke roba, radova i usluga je jednoglasno predložila Općinskom načelniku da donese Odluku o izboru najpovoljnijeg ponuđača ponuđaču čija ponuda je ocijenjena kao najpovoljnija, na osnovu kriterija najniža cijena, u ukupnom iznosu ponude od 10.764,00 KM (slovima:

desetihljadasedamstotinašezdesetčetiri i 00/100 konvertibilne marke) sa PDV-om, te da se ponuđaču STUDIO DVA d.o.o. Sarajevo dodijeli Ugovor.

Općinski načelnik je saglasan sa prijedlogom Komisije za javne nabavke roba, radova i usluga koja je u postupku ocjene provedenog postupka postupila u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

**Pouka o pravnom lijeku:**

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi.

Žalba se podnosi u najmanje 3 (tri) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 108.

Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08-02-2-8303-1/14 od 09.10.2014. godine.



**DOSTAVLJENO:**

- STUDIO DVA d.o.o. Sarajevo
- URBIS CENTAR d.o.o. Banja Luka
- ROUTING d.o.o. Banja Luka

Općina Novo Sarajevo, ulica Zmaja od Bosne br. 55, centrala telefon (387 33) 492 100  
Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba  
Identifikacioni broj: 4200558710008 PDV broj: 200558710008 Porezni broj: 0170333000  
Depozitni račun 1411965320011288 Bosna Bank International d.d.



